



Broj: 16-12-16-2050- *g* /22
I. Sarajevo, 06.04. 2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije za nabavke za potrebe Državne agencije za istrage i zaštitu u 2022. godini, u postupku javne nabavke usluga tehničkog pregleda vozila za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU
u postupku javne nabavke usluga tehničkog pregleda vozila
za potrebe Državne agencije za istrage i zaštitu

Član 1.

U postupku javne nabavke usluga tehničkog pregleda vozila za potrebe Državne agencije za istrage i zaštitu (daljem tekstu: Agencija), putem Poziv za dostavljanje ponuda, na preporuku Komisije za nabavke za potrebe Državne agencije za istrage i zaštitu u 2022. godini broj 16-12-16-2050/22 od 04.04.2022. godine, ugovor o sukcesivnom pružanju usluga tehničkog pregleda vozila za potrebe Agencije, za period od tri godine, dodjeljuje se ponuđaču „LANGO d.o.o. Istočna Ilidža“, za ponuđenu cijenu u iznosu od 8.318,00 KM bez uračunatog PDV-a.

Član 2.

Prijedlog ugovora dostavit će se na potpis izabranom ponuđaču, po proteku roka od 15 dana, računajući od dana kada su ponuđači obaviješteni o izboru napovoljnije ponude.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka objavit će se na web stranici Državne agencije za istrage i zaštitu, istovremeno s upućivanjem ponuđačima koji su učestvovali u postupku javne nabavke.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-12-16-2050-1/22 od 25.02.2022. godine, pokrenut je postupak javne nabavke usluga tehničkog pregleda vozila za potrebe Agencije, za period od tri godine, procijenjene vrijednosti 36.000,00 KM bez uračunatog PDV-a. Poziv za dostavljanje ponuda objavljen je na službenoj web stranici Agencije dana 02.03.2022. godine, dok su novčana sredstva za realizaciju navedene nabavke obezbijedena u okviru budžetskih sredstava za 2022. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period januar-mart 2022. godine („Službeni glasnik BiH“, broj 3/22) i Dokumenta okvirnog budžeta 2022.-2024. godine. Navedeni postupak javne nabavke proveden je u skladu sa Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“, broj 66/16).

Obzirom da je tačkom 11. Poziva za dostavljanje ponuda navedeno da je rok za dostavljanje ponuda 17.03.2022. godine, Komisija je dana 17.03.2022. godine u 14,00 sati izvršila otvaranje ponuda prema datumu i vremenu prijema, numerišući kovertu, te konstatovala da su u ostavljenom roku pristigle dvije ponude i to:

R/B	Naziv/ime ponuđača	Ponuđena cijena (bez PDV-a) u KM
1.	„SONS d.o.o. Istočno Sarajevo“	8.327,00 KM
2.	„LANGO d.o.o. Istočna Ilidža“	8.318,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Komisija je nastavila postupak u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Pozivu za dostavljanje ponuda.

Komisija je utvrdila da ponuđač „LANGO d.o.o. Istočna Ilidža“ ispunjava formalno pravne i tehničke uslove propisane u Pozivu za dostavljanje ponuda.

Komisija je utvrdila da ponuđač „SONS d.o.o. Istočno Sarajevo“ ne ispunjava formalno pravne uslove propisane u Pozivu za dostavljanje ponuda. Komisija je utvrdila da jedinične cijene u Specifikaciji vozila za tehnički pregled ponuđača „SONS d.o.o. Istočno Sarajevo“ nisu u skladu sa Pravilnikom o tehničkom pregledu vozila („Službeni glasnik BiH“, br. 33/19 i 29/20) (u daljem tekstu: Pravilnik). Članom 34. stav (1) Pravilnika, propisano je da sve stanice za tehnički pregled vozila primjenjuju cijene utvrđene Jedinstvenim cjenovnikom usluga tehničkih pregleda vozila u Bosni i Hercegovini, koji je dat u prilogu 12 i čini sastavni dio ovog pravilnika. Komisija je utvrdila da je ponuđač „SONS d.o.o. Istočno Sarajevo“ izmijenio obrazac za cijenu ponude-usluge i Specifikaciju vozila za tehnički pregled, koje je ugovorni organ propisao u Pozivu za dostavljanje ponuda, na način da je Obrascu za cijenu ponude-usluge u rubrici pod rednim brojem 1. Ukupna cijena bez PDV-a iz specifikacije vozila za tehnički pregled dopisao stavku + MSV i u Specifikaciji vozila za tehnički pregled dopisao stavku MSV (166,54).

Članom 5. stav (1) Uputstva za pripremu modela tenderske dokumentacije i ponuda („Službeni glasnik BiH“, broj 90/14), propisano je da se obrazac za cijenu ponude koji izrađuje ugovorni organ u tenderskoj dokumentaciji sastoji od jedne ili više stavki, dok je u stavu istog člana propisano da svaka stavka u obrascu za cijenu ponude sadrži najmanje slijedeća polja kojima se navodi: tekstualni opis stavke, jedinica mjere po kojoj se stavka obračunava, a koja može biti izražena u komadima, jedinici mase, drugim mjernim jedinicama ili izuzetno u paušalu, količina stavke (tačna količina stavke, okvirna količina stavke, predviđena količina stavke ili procijenjeni udio stavke), cijena stavke (po jedinici mjere), zbirna cijena više stavki (zbir cijena više stavki na koje se odnosi zbirni procijenjeni udio),

ako je primjenjivo, ukupna cijena stavke, cijena ponude bez poreza na dodatnu vrijednost (zbir svih ukupnih cijena stavki).

Komisija je cijenila i odredbu člana 29. stav (16) Zakona, kojom je propisano da na zahtjev ugovornog organa ponuđač može svoju ponudu objasniti, precizirati i nadopuniti ako se time ne mijenjaju osnovni elementi ponude, ali ne na način koji bi mogao biti suprotan načelima tržišnog takmičenja ili koji bi mogao imati diskriminirajući učinak.

Kako je jedan od kriterija za evaulaciju ponude upravo cijena (cijena 85%, operativni troškovi 10% i rok izvršenja usluge 5%), Komisija nije od ponuđača tražila pojašnjenje, imajući u vidu opća načela iz člana 3. Zakona, prema kojem je ugovorni organ dužan postupati transparentno, u postupku javne nabavke ponašati se prema svim ponuđačima jednako i nediskriminirajuće na način da osigura pravičnu i aktivnu konkurenciju, u cilju najučinkovitijeg korištenja javnih sredstava u vezi sa predmetom javne nabavke.

Imajući u vidu naprijed navedeno, Komisija ponudu ponuđača „SONS d.o.o. Istočno Sarajevo” nije uzela u dalje razmatranje.

Komisija je na osnovu kriterija ekonomski najpovoljnija ponuda iz tačke 4. Poziva za dostavljanje ponuda, sačinila rang listu ocijenjene ponude, kako slijedi:

R/B	Naziv/ime ponuđača	Ponuđena cijena (bez PDV-a) u KM
1.	„LANGO d.o.o. Istočna Ilidža“	8.318,00 KM

Nakon provednog postupka ocjenjivanja, Komisija je utvrdila da je ponuda ponuđača „LANGO d.o.o. Istočna Ilidža“, ocijenjena kao ekonomski najpovoljnija ponuda.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se ugovor o sukcesivnom pružanju usluga tehničkog pregleda vozila za potrebe Agencije, za period od tri godine, dodijeli ponuđaču „LANGO d.o.o. Istočna Ilidža“, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana objavljivanja dobrovoljnog ex ante obavještenja o transparentnosti. Žalba se podnosi putem Agencije.

Na izjavljenu žalbu ponuđač je obavezan platiti naknadu u skladu sa članom 108. Zakona.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

